



欒城集卷第十四

詩八十五首

次韻王荐推官見寄

可憐衰病孰爲媒私喜鄰邦得儁才
玉案愧無酬錦繡木爪却用報瓊瑰
風流似欲傳諸謝格律猶應學老梅
始信山川出才士扁舟新自宛溪來

荐宜人也

郭尉願惇夫以琳上人書詩爲示次韻

勉強冠裳四十餘同官早歲亦山居
朝來過我三竿日袖有幽僧數紙書
家住一廬何計反官供五斛未應無
聞渠秋後來相訪脫粟熬羹只自如

次韻汪琛監簿見贈

連宵暑雨氣如秋，過客不來誰與遊。
賴有澹臺肯相顧，坐令彭澤未能休。
琴踈不辨彈新曲，學廢誰令致束脩。
慚愧邑人憐病懶，共成清淨勸遲留。

周昉畫美人歌

深宮美人百不知，飲酒食肉事游嬉。
彈絲吹竹舞羅衣，曲終對鏡理鬢眉。
岌然高髻玉釵垂，雙鬟窈窕萼葉微。
宛轉躑躅從嬰兒，倚楹拊檻皆有姿。
擁扇執拂知從誰，瘦者飛燕肥玉妃。
俯仰向背樂且悲，九重深遠安得窺。
周生執筆心坐馳，流傳人間眩心脾。
飛瓊

小玉雲霧幃，長風吹開忽見之。
嘉魂清夜那復追，老人衰朽百事非。
展卷一笑亦胡爲，特付少年良所宜。

病中郭尉見訪

偶或三日寒，蒸熱知是多聞力。
未全却問藥王求，妙劑想非摩詰已。
虛圓勞公強說脩，行漸顧我方爲病。
垢纏應是床頭有，新酒欲邀佳客故。
留連

病後

一經寒熱攻骸骨，止似兵戎過室廬。
柱木支撐終未穩，筋皮收拾久猶踈。
芭蕉張王要頂朽，雲氣浮游畢竟虛。
賴有衣中珠尚在，病中點檢亦如如。

復病三首

其一

病作日短至病消秋氣初山深足氛瘴俗儉少肴蔬
藥亂曾何補心安當自除朝庭閔流落已是

其二

寒作埋冰雪熱攻投火湯今生那有此宿業未應亡
委順一無損力爭徒自傷頽然付一榻是處得清涼

其三

一病五十日復爾當解官不才歸亦樂無食去猶難
龜勉人應笑低徊已意闌舊師摩詰老把卷靜中看

送琳長老還大明山

身老與世疎但有世外緣五年客江西掃軌謝往還
依依二三老示我馬祖禪身心忽明曠不受垢污纏

偶成江東游欲別空悽然緣散衆亦去飄若風中煙

高反三長老去之甚熟別後文老
去洞山聰老與聖壽全老化去華陽本荒邑緇素

明星懸偶然得老尉舊依育王山璉公善知識不見

十九年我昔未聞道問以所入門告我從信入授我

普眼篇冉冉百尺松起自一寸根南歸髮盡白尺書

今始傳不知鄰邑中乃有門人賢百里走相訪觸熱

汗雨翻懷中出詩卷清絕如斷蟬我適病寒熱氣力

續城集 卷十四
才絲絲空齋默相向欲語不能宣
求暇答佳意歸錫
鏘金環空有維摩病愧無維摩言

病退

冷枕單衣小竹床
卧聞秋雨滴心涼
此間本淨何須
洗是病皆空豈有方
示疾維摩元自在
放身南嶽離
思量病根欲去真源在
昨夜夢遊何有鄉

病後白髮

枯木自少葉不堪
經曉霜病添衰髮白
梳落細絲長
筋力從凋朽
肝心罷激昂
勢如秋後雨
一度一淒涼
答琳長老寄幽蘭白朮黃精三本二絕

其一

谷深不見蘭生處
追逐微風偶得之
解脫清香本無
染更因一嗅識真知

其二

老僧似識衆生病
久在山中養藥苗
白朮黃精遠相
密知非象馬費柔調

次韻侯宣城題疊嶂樓

小邑來時路宣城
最近隣樓臺百年舊
花竹一番新
登覽春深日
凝思病後身
何時對樽酒
重爲洗埃塵
初聞得校書郎示同官三絕

其一

讀書猶記少年狂萬卷縱橫曬腹囊奔走半生頭欲白今年始得校書郎

其二

百家小邑萬重山慙愧斯民愛長官粳稻如雲梨棗熟暫留聊復為加餐

其三

病後濁醪都少味老來歡意苦無多臨行寂寞空相對不作新詩柰客何

績溪二詠

豁然亭

南省城市北看山每到令人意豁然碧瓦千家新澗雨青松萬壑正生煙經秋卧病聞斤響此日登臨負酒卅徑請諸君作佳句壁間題我此詩先

翠眉亭

誰安雙嶺曲彎彎眉勢低臨戶牖間斜擁千畦鋪滌水稍分八字放遙山愁霏宿雨峯巒濕笑卷晴雲草木閑忽憶故鄉銀色界舉頭千里見蒼顏

辭靈惠廟歸過新興院書其屋壁

來時稻葉針鋒細去日黃花黍粒龕久病終慙多厥

政豐年猶喜慰耕夫青山片片添紅葉
綠水星星照白鬚東觀校讎非老事
眼昏那復競鉛朱

郭尉惠古鏡

凜如秋月照虛空遇水留形處處同
一瞬自成千億月精神依舊滿胃中

俗言以鏡予人損已精神故解之云

歙縣歲寒堂

檻外甘棠錦繡屏長松何者擅亭名
浮花過眼無多日勁節凌寒盡此生
暗長茯苓根自大旋收金粉氣
尤清長官不用求琴譜但聽風聲作弄聲

邵武游氏老人三清堂紫芝

黑龜赤鳳早逢師白髮蒼顏老不衰
丹鼎一凡深目秘紫芝三葉却先知
煙薰晴日雲容薄色凝秋霜玉性竒
何日刀圭救羸病盡芟荆棘種交梨

神宗皇帝祝詞三首

其一

稽古堯無作勤邦禹有攻政新天地
力事改漢唐風禮樂宸中盛梯航海外
通華封徒有誦龍御忽乘空

其二

承平終不處付託重艱難統接神孫
正人依聖母安橋山封劔佩原廟見
衣冠萬國纏哀處高陽檜栢寒

其三

取士忘疎賤量書廢寢興
 芻言本何益玉殿最先登
 日角依稀想堯言涕泗稱龍髯
 遠莫及零淚凍成冰
 舟過嚴陵難將謁祠登
 臺卅人夜解及明已
 遠至桐廬望桐君
 山寺漂渺可愛遂以小舟
 遊之作二絕

其一

扁舟忽草出山來
 慚愧嚴公舊釣臺
 舟子未應知此恨
 夢中飛楫定誰催

其二

嚴公釣瀨不容看
 猶喜桐君有故山
 多病未須尋藥錄
 從今學取神僧閑

沂潮二首

其一

潮來海若一長呼
 潮去蕭條一吸餘
 初見千艘委泥土
 忽浮萬斛沂空虛
 映山少避會非久
 借勢前行却自如
 天地尚遭人意料
 乘時使氣定龍踈

其二

疋練縈回出海門
 黃泥先變碧波渾
 初來似欲傾滄海
 正滿真能倒百源
 流枿飛騰竟何在
 扁舟睥睨久

仍存自慚不作山林計來往終隨萬物奔

贈王街處士

候潮門外王若士平昔交遊遍海涯本種杉松為老
計晚將亭榭付隣家為生有道終安隱好專來遊空
嘆嗟猶有東牟舊詩卷忻然對客展龍蛇

兄名之曰種德其亭
頃以貧故鬻

張惕山人即昔所謂惠思師也余舊識之於

京師忽來相訪茫然不復省徐自言其故戲

作二小詩贈之

昔日高僧今白衣人生變化定難知故人相見不相

識空怪解吟無本詩

聽誦長江近章句喜逢澄觀已冠巾醉吟揮弄清湖

水誰信從前戒律人

次韻子瞻送楊傑主客奉詔同高麗僧遊錢塘

人言長安遠如日三韓住處朝日赤飛帆走馬入齊

梁却渡吳江食吳橘玉門萬里唯言九行人淚墮陽

關酒佛法西來到此間遍滿曾如屈伸手出家王子

身心虛飄然渡海如過渠遠來欲見傾盆雨屬國真

逢戴角魚至人無心亦無法一物不見誰為敵東海

東邊定有無拍手笑作中朝客

寄龍井辯才法師三絕并叙

輒自績溪蒙恩召還將自宣城沿大江以歸家兄
子瞻以書告曰不如道歛溪過錢塘一觀老兄遺
迹輒用其言既至吳中迫於水涸不能久留十月
八日遊上天竺子瞻昔與辯才師相好今隔南山
不得見乃作一小詩以寄之

我兄教我過東吳遺墨山間無處無忽報冬潮催出
堰俗緣深重道心麤

山色青冥葉未紅湖光凝碧曉無風行窮上下兩天
竺望斷南山龍井龍

井水中藏東海魚側盆翻雨洗凡夫隔山欲共公相
見莫道從來一滴無

元絳參政挽詞

吳越朝天功在民當年卿相亦仁人曾孫終與元豐
政故老猶知異代因吏治清明開白日文詞俊發吐
青春鄴都從事堂中客涕灑高原栢子新

過王介同年墓

平生使氣坐生風徐扣方知學有功應奉讀書無復
忘虞翻忤物自甘窮埋根射策久彌奮投老為邦悍
莫收墳木未湏驚已拱少年我亦作衰翁

昔年中南
同登制科

僕年最少
已老矣

將遊金山寄元長老

龕砂施佛佛欣受怪石供僧僧不嫌空手遠來還要
否更無一物可增添

元老見訪留坐具而去戲作一絕調之

石霜舊奪裴休笏坐具只今君自留放書房還會
否受降曾不費戈矛

元老和示小詩自謂非戰之罪復作一絕并

坐具還之

請君却領彌天具不欲終取陷虎名莫道昏沉非戰

罪何如不戰屈人兵

子瞻與長老釋師相遇於竹西石塔之間屢以

絕句贈之又留書邀輒同作遂以一絕繼之

遠老陶翁好弟兄虎溪廬阜久逢迎何須更要經平

子清議從來貴士衡

高郵贈別杜介供奉

淮南魚米年年賤直便歸休無俸錢錦背圖書何益

事塵生弦筦正參禪逢人未廢一樽酒送客長隨百

里船世上得如君自在不須開府事開邊幾先去年送家兄子

舊至高郵今年復留此相別

樂城集 卷十四
答王定國問疾

五年竄南荒頑質不伏病吸清吐濁穢氣練骨隨勁
澹然久忘歸寂寂就遐屏國恩念流落牽挽界隣境
舟泝長江藤鞋過重嶺峽深鳶蘿惡山嶮崖石橫
台夏初發氛霧秋愈盛菘薤食有時豚羔詎曾省
開訟氓入日晏鴛舌競肝脾得寒熱冰炭迫晨暝
醫固空踈蠻覲刺麓猛老妻但坐哭遺語未肯聽
子亦在床一卧昏不醒思歸未可得即死付前定
如性終在冉冉歲將冷筋骸稍輕安冠服強披整
方厭苓朮日食禁醪茗髮衰亂隨櫛骨瘦空看影

簿書勉復親環玦非所請馬老固伏櫪槎流舊安井
凌兢就輕車邂逅出脩綆此生誠夢幻俛仰成弔慶
故人在新詩萬里慰孤耿賞音我非曠斷鼻若真郢
南遷昔所同卧疾今亦並遠行信由天未死庸非命
歸舟正飄兀齋舍念清淨作書附鴻翼去路瞻斗柄
聞水漸安流吳音未全正一樽對清言及此冬夜水
和子瞻次孫覺諫議韻題邵伯間上斗野亭
見寄

扁舟未遽解坐待兩闌平濁水汗人思對寺爲找前
昔遊有遺味枯墨存高甍故人獨末來一樽誰與傾

北風吹微雲莫寒依月生前望邦溝路却指蹶甃城
茅簷卜茲地江水供晨烹試問東坡翁畢老幾此行
奔馳力不足隱約性自明早為歸耕計免慙老僧榮

僧榮斗野主人也子瞻將卜居丹陽蒜山下此亭正當泉路故云尔

次韻子瞻題泗州監倉東軒二首

局輿嫋嫋渡浮梁吏隱知君寄一倉十里遊看飛阜
蓋小軒相對有壺漿清宵往往投車轄末日霏霏散
篆香留滯淮南久仍樂莫年何意復為郎

萬斛塵飛日為霾無心退食自成齋梅生紅粟初迎
臘魚躍銀刀正出淮卧病空看帆度磧誦詩猶記雪

填堦夾河南北俱形勝且借高城作兩崖

答顏復國博

歲晚河水留畫船一軒脩竹喜蕭然詩詞温厚新成
格道論精微近入禪病後不勝清醕醖別時仍得舊
書傳欲成古史須咨考陋巷何因接尺椽

次韻王定民宣德

彭城寺壁看詩來顏氏瓢樽偶共開茅屋未完先鑿
沼竹林成後想宜梅新詩妙絕難為繼高論微低得
共陪第一詞人生不識茲行尚喜揖君才

河水

扁舟多艱虞與我平日類初乘滂洋流旋涉冰淺地
日西陰風作夜半流漸至悄然孤寂枕覺此凝冽氣
河聲噤不喧燈花結復墜忽來觸舟去聲與裂帛似
平明發窓扉吏卒疆未起奔騰陣馬過洶湧晴雲駛
紛紛散環玦卷卷浮席被匪流忽騰蹙曲岸相抵
歌危起丘山汗漫接州止連艘恣凌輾千槳競紛委
剛強初悍頑潰散終被靡掃除就虛曠沿沂弄清泚
我行無疾除乘流得坎止偶然迫還期愧此墮十指
陰陽有定數開塞亦常理窮冬治舟行嗟此豈天意

復賦河冰四絕

客心凜凜怯寒冰擁褐無言夜漏深河伯似知歸意
速風號西北故相禁

春來歸夢劇飛鳧夜半流澌擁舳舻似勝去年彭蠡
口雪封廬岳浪翻湖

朝來縣令借長船仍遣千夫上下牽不惜瓊瑤分衆
手貪看雲片滿河壩

輕紈破碎珮環流顛倒鏘鳴亂觸舟解紼投篙曾不
顧不知何處擁汀洲

河水稍解喜呈王適歸

留滯江湖白髮生西歸猶苦凍崢嶸春風未到冰先

解河水初深船自輕去國偶然經晝夢逢人稍欲問
都城羈鴻共有成行喜雙鯉應將尺素迎

河水復結復次前韻

懊惱河水散復生徂年近已失崢嶸身留短舫厭厭
睡目送飛鴻一一輕引繹低徊疑上坎打凌甚苦辛
攻城東風憐我歸心速稍變楊梢百里迎

題南都留守妙峯亭欲

我登妙峯亭欲訪德雲師春陽被原野淮渙含流漸
未復桃李色稍增松桂姿予夫東來檣冉冉將安之
萬物委天運此身免奔馳悵然懷舊遊一丘覆茅茨

清冷久沮如文雅空頽隳提攜二子醉倒春風吹
不見妙峯處安知德雲期南遷久忘友有獲空自知
歸來暨新構恍然發深思遠行極南海此地初不移
酌我一斗酒盡公終日嬉德雲非公歟相對欲無詞
次韻發運路昌衡淮南見山堂

壘石初成得賜環未應苔蘚上蒼顏據鞍華岳旌旄
裹回首淮山夢想間烽火日傳西塞靜丘陵應伴壯
心閑終南太白皆公有肯向庭中更作山

送戴朝議歸蜀

岷山招我早歸來劔閣橫空未易回北叟忽驚鷓鴣

晚西轅欲及海棠開避仇賦客新耕來因亂詩翁著
酒杯但愛江山無一事為言父老莫相猜

後自初成直宿呈子瞻二首

掖垣初罷斧斤響棟宇猶聞松桂香江海鬢來俱野
客雲霄並直愧華堂月明似與人煙遠風細微聞禁
漏長諫草未成眠未穩始知天上極清涼

射策當年偶一時對床夜雨失前期廬間還往無多
地夢裏追尋亦自疑螭墨屢乾朝已久囊封希上出
猶遲茅簷半破松筠老歸念蕭然欲詒誰

次韻子瞻送陳睦龍圖出守潭州

海上石橋餘折棟大舶記君過鐵甕東行萬里若乘
空老蜃長鯨慙入鞆波搖風卷卧不起免教髀肉鞍
磨痛歸來過我話艱苦驚汗津津尚流永海涯風物
畫成圖錯落天吳蕪紫鳳至今想象隔人事往往風
濤吹畫夢長沙欲往厭飛楫幸有千兵作迎送文章
清逸世少比科第崢嶸聲自重遠行屢屈眾所歎出
祖誰攀車故動明朝鼓角背王城莫聽單于吹曉弄

子雅其使三韓韓時在南
都見奉往返故此詩言之

送于之姪西歸

京洛東遊歲月深相逢初喜解微吟夢中助我生池

續城集 卷十四 十五
草別後同誰飲竹林文字成家憐汝在風流似舊慰
人心便將格律傳諸弟王謝諸人無古今

駕幸親賢宅贈隨駕諸公

日日南風夜氣煩一聲鳴蹕萬人看禁溝飛水清黃
道涼殿分水遍從官急雨未成昏觀闕微颯稍覺泛
和鑿相看揮汗塵埃裹散髮何人舊不冠

次韻子瞻飲道者院池上

雨氣涼侵殿河流滲入池黃梁淪魚子白酒瀉鵝兒
風細初生袖塵清免汗眉郊行不意得拂壁看題詩

答孔平仲惠蕉布二絕

裘葛終年累已輕薄蕉如霧氣尤清應知浣濯衣稜
敗少助晨趨萃蔡聲

燈籠白葛扇裁紈身似山僧不似官更得雙蕉縫直
掇都人渾作道人看

次韻朱光庭司諫喜雨

焦枯連夏火洗濯待秋霖都邑溝渠淨郊原黍豆深
流膏侵地軸晴意動風琴誰似臣居易先成喜雨箴

次韻光庭省中書事

放浪江湖久惰慵安排誰置從官中麤疎空與廷和
對開納初還正觀風二鄙兵銷真帝力四方雨足自

天功時將一勺傾滄海漫使人知達四聰

送張恕朝奉南京簽判二首

楚蟹吳柑初著霜梁園官酒試羔羊老如計相非無
齒清似留候未却糧杖履稍通賓客過殺蔬要遣子
孫嘗詔書委曲如公意幕府新除朱紱郎

朱紱寒家罷倚門晉都無事最宜親下車趨走驚隣
舍決獄平反慰老人相見只今多邂逅舊遊他日半
埃塵何年重起扁舟興會作東湖十日賓

送賈訥朝奉通判眉州

歸念長依落日邊壺漿今見逆新官聲傳已覺謳歌

瀛身到前知政令寬民病賢人來已暮時平蜀道木

無難明年我欲脩桑梓為賞庭前荔子州眉州梓廳
旧有荔支

甚九

次韻黃庭堅學士狂毛筆

不悟身邊一斗紅聖賢隨世亦時中何人知有中書
巧縛送能書陳孟公

李誠之待制挽詞二首

脫遺章句事經綸滿腹龍蛇自屈伸南駕威聲傳絕
域西征舊恨失姦臣空晉諫疏驚頽靡終記詩詞話
苦辛直氣如雲未應盡一雙嗣子亦騏驎

齊南風物在西湖湖上逢公初下車談笑樽前伏齋
廚旌旗門外聽除書一封未奏先焚草三黜歸來便
種蔬淚落西堂歌酒地杉松空見歲寒餘

司馬溫公挽詞四首

白髮三朝舊青山一布衾封章帝所德澤在人心
未起謳吟切來歸故託深楊公不久住天意定難忱

又

決策傳賢際危言變法初紛紛看往事一一驗遺書
富貴終何有清貧只自如西州不忍過行哭便回車

又

區區非爲已懇懇欲亡生力盡心終在身忘勢亦成
遺民拋劔戟故老半公卿魏丙生前友俱傳漢相名

又

少年真狷淺射策本麓踈欲廣忠言地先收衆棄餘
流離見更化邂逅捧除書趙孟終知厥他人恐罵子

送表弟程之元知楚州

與君外兄弟初如一池魚中年雲雨散各異澗谷居
客舍復相從語極長歛歛青衫奉朝謁白髮驚晨梳
百年不堪把一樽歡有餘清言我未厭昨夜聞除書
淮南早已久疲民食田蔬話發上供米仍疏古邗渠

要須賢使君均此積歲儲徑乘兩漿去不待五馬車
別離難重陳勞徠不可徐政成得召節歲晚當歸與

送王震給事知蔡州

朝廷入忘返冠蓋如雲屯貧哉貴公子獨以民社言
西臺出命書落筆波濤翻東臺典封駁坐惜日月奔
試劇得上蔡尚卧強東藩早歲獨多麥時雨如傾盆
鈴軒省鞅秩幕府多壺樽逡巡文字樂斥去簿領煩
賜環行當至坐席恐未溫三槐日成陰富貴屬曾孫

送王廷老朝散知虢州

滿腹貯精神觸手會眾理一廢十五年直坐才多爾

我昔遊宋城憶始識君子簿書填丘山賓客亂蜂蟻
出尋城下宅屢徒床前履清談如鋸木落胥紛相委
解頰自有_鄉置酒姑且止逡巡破黃封婉婉歌皓齒
風高能正白霜落巖初紫夜闌意未厭河斜客心起
歸來笑僮僕熱醉未曾爾江湖一流蕩歡意日頽弛
西還經舊遊相逢值新喜詔催西州牧明有朱轡柅
都城挽不住山賊近方侈提刀索崖谷接俘動閭里
若家百無與王事非有已何日却休官復飲梁王市

送魯有開中大知洛州次子瞻韻

仲連雖不仕而非綺與園後巡笑談間屢解戰鬪繫

子敬識二孫長揖鼓馨喧意氣感周郎振策起江村
二賢繼英風千載為高門曾孫事仁祖風義夙所敦
臺閣餘故事父老稱遺言白髮識公子十載友元昆
婆娑久不試俛仰色逾溫五馬忽嘶鳴朱輪夾征軒
旌旄隔河至部曲幾人存銅虎不可留芻狗行常燔
秋潦決河防遺黎化驚菟憂心念千里何暇把一樽
西城叩門別南風吹帽飜嗟我限出謁未敢逾短垣
新晴水尚壯想見民驚奔安得萬丈堤止此百里渾
姑爾救一境誰當理其源百聞貴一見尺書為我論
樂城集卷第十四

樂城集卷第十五

詩八十五首

送陳侗同年知陝府

上書乞江淮得請臨關河所得非所願親友或相訶
丈夫志四方所遇常逶迤况當國西屏形勝古來多
崑渠湧北郭華岳垂東阿羗虜昔未平驛騎如飛梭
間諜時出沒關梁苦誰何爾來一清淨西望多麥禾
魏絳方和戎先零正投戈秦人釋重負道路聞行歌
便當卧齋閣次第除網羅時時一嘯咏未用勤催科
諸孤寄吳越食口如鴈鶩時分橐中金何必手自摩

次韻李曼朝散得郡西歸晉別二首

風波定後得西歸，烏鵲喧呼里巷知。
未熟黃梁驚破夢，相看白髮信乘危。
豚肩尚有冬深味，蠶器應逢市合時。
父老爲公當臘酒，不須猶唱式微詩。
懷印徒行尚故衣，邸中掾史見猶疑。
千人不塚鄉關動，五馬行春兩澤隨。
醉裏墜車初未覺，道中破甑復誰悲。
西行漫遣親朋喜，早賦陶翁歸去詩。

送程建用宣德西歸

昔與君同巷，參差對柴荆。
艱難奉老母，弦歌教諸生。
黎藿飽臧獲，布褐均弟兄。
貧賤理則窮，禮義日益明。

我親本知道家有月，且評逡巡戶牖間。
時聞歎息聲，善惡不可誣。孝弟神所聽，我見此家人。
處約能和平，它年彼君子，豈復地上行。
爾來三十年，遺語空自驚。松阡映天末，苦淚綠冠纓。
子親八十五，皤然老人星。安輿及祿養，平反慰中情。
月俸雖不多，足備其與輕。今年術考課，得秩真代耕。
倚門老鶴望，策馬飛鴻征。歸來歲云莫，手奉屠蘇觥。
我詩不徒作，以遺鄉黨銘。君昔嘗論君與弊廬東西相望武昌君見其家事知非貧賤人也此語未嘗語人悅伴三十年笑因若西歸作詩言之不竟流涕

次韻子瞻杜介供奉送魚

天街雪霽初通駟禁籞冰開漸躍魚十尾煩若穿細
柳一杯勸我老青蔬寒樽獨酌偶逢客佳句相酬不
用書江海歸來叨禁近空令同巷往來踈

次韻子瞻招王蓮朝請晚飲

矯矯公孫才不貧白駒衝雪喜新春忽過銀闕迷歸
路誤認瑤臺尋故人訪我不嫌泥正滑番君深愧酒
非醉歸時九陌鋪寒月清絕空教僕御羶

子瞻與李公麟宣德共畫翠石古木老僧謂
之懋寂圖題其後

東坡自作蒼蒼石留取長松待伯時只有兩人嫌未

足更收前世杜陵詩

王君貺宣徽倪詞三首

妙年收賈傳白首貴王陽志氣文章在功名歲月長
遺孫依舊德故吏滿諸方河朔三持節斯民定不忘

又

謫墮神仙侶飛翔鸞鳳姿舊逢黃石老陰許赤松期
歷歷僧伽記申申鄧傳詞翻然歸海嶠無復世人知

公少年過泗州於僧伽塔中見一老僧謂公歸味祖
慕有白髮者居當第一及第已而果然既科見
張翥公為公言吾為射洪令尉補得一入疑其行劫
吾竟其非是釋之問其所從來則山中隱者也以藥
遺我四服此並可以終天年而無疾且約我貴極人
臣今子方且貴慎勿答辱道人公終身用其言輒佐

公於大名親
言言之

從軍在河上伏波喜公來幕府方閑暇歌鍾得縱陪
它年老賓佐過國泣樓臺猶有墳碑在仍令故客開

今樞密安公
幕府公家方求厚物作墓碑

送杜介歸揚州

揚州繁麗非前世城郭蕭條却古風尚有花畦春雨
後不妨水調月明中東都甲第非嫌汝北牖羲皇自
屬翁渭洛放船經月事急先鶻鳩送芳叢

次韻子瞻與鄧聖永承旨同直翰苑懷武昌

西山舊遊

我遊齊安十日回東坡桃李初未栽扁舟亂流入樊
口山雨未止淫黃梅寒溪聞有古精舍相與推挽登
催嵬山深縣令喜交至寺荒蔓草生經臺黃鵝白酒
得野餽藤床竹簟無纖埃可憐遷客畏人見共怪青
山誰為堆行驚晚照催出谷中止亂石傾餘壘古今
相望兩令尹謂元結與鄧君也文詞灑落千山隈野人豈復

識遺趣過客時為剡蒼苔五年留滯屐齒秃一朝揮
手船頭開玉堂却憶昔遊處笑問五柳應彫摧滿朝
文士蚤貴達馮凌零漢乘風雷入叅祕毀出華省何
曾著足空山來漂流邂逅竟遺躅耳中尚有江聲哀

送楊孟容朝奉西歸

三十始去家四十初南遷五十復還朝白髮正紛然
故人從西來鞍馬何聯翩握手得一笑喜我猶生全
別離多憂患寧覺非因緣惟餘歸耕計粗有山下田
又糜太倉粟空愧鄉黨賢老兄富治行令德齊高年
幸此民事清未厭軍壘偏父老攜壺漿稚子迎道邊
應有故相識問我何當旋君恩閔衰病歸駕行將鞭

次韻孔武仲學士見贈

羨君耽讀書日夜論今古雖復在家人不見釋手處
意求五車盡未惜雙目苦蓬萊倚霄漢簡牘充棟宇

學成擅困倉筆落走風雨破籠閉野鶴短草藏文虎
鬢鬚忽半白兒女無復乳知君不能薦愧我終何補
偶來相就談日落久未去歸鞍得新詩佳句爛如組
古風棄彫琢遺味比樂府且復調墳簞冷然五音舉

送家定國朝奉西歸

我懷同門友勢如曉天星老去髮垂素隱居山更青
退翁聯科弟俯仰三十齡仕官守鄉國出入奉家庭
鵠鷺性本靜芷蘭深自馨新詩得高趣衆耳昏未聽
笑我老憂患奔走如流萍冠裳強包裹齒髮坐彫零
晚春首歸路朱轡照長亭縣令迎使君綵服導輜駟

長歎或垂涕，平反知有命。此樂我已亡，雖達終不寧。
次韻劉貢父省上示同會二首

流落江湖東復西，歸來未洗足間泥。偶隨鵬翼培風上，時得衙香滿袖攜。落筆逡巡看儻直，醉吟清絕許分題。相望魯衛雖兄弟，終畏鄰封大國齊。
掖垣不復限東西，賓客來衝霧雨泥。白酒黃封開漱，艷朱纓青龍落提攜。五花愧我連書判，三道高君免試題。誰遣松蒿同一谷，凌雲他日恐難齊。

次韻孔武仲三舍人省上

君不見西都校書宗室叟，東魯高談鼓瑟手。偶然同

我西掖垣，並立曉班分。左右龍文百斛世，無價屬公瓦釜枵然但升斗。諸兄落落不可望，兩季辛背分餘光。大孔奮飛自南鄉，聯翩羣鴈相追翔。渠家冠蓋充堂堂。

送顧子敦奉使河朔

去年送君使河東，今年送君使河北。連年東北少安居，慷慨憐君色自得。河流西決不入土，千里汗漫被原隰。壯夫奔亡老稚死，粟麥無苗安取食。君憂臣辱自古然，自跪過門三不入。忠誠一發鬼神輔，心念旣通謀計集。堤防旋立村落定，波浪欲收蛟蜃泣。二年

歸國未爲久故舊相看髮猶黑成功豈在延世下好
勇真令腐儒服此時爲國頌河平當使君名長不沒

席上再送

人言虎頭癡湧作河朔遊黃河六七月不辨馬與牛
單車徑北渡橫身障西流虎頭亦不癡志在萬戶侯
徜徉歷三邊歸借坐上等腰垂黃金印不受白髮羞
此計雖落落但問有志不臨岐且一醉行役方未休

次韻孔文仲舍人醑醪

蒼虵凍不死輕素暖仍歸落葉時吹面繁香自撲幃
光疑直照夜枝軟或牽衣似厭風霾苦應思霧雨霏

開樽迎最盛掃地見初稀賴有清陰在金波肯發揮

送錢承制赴廣東都監

家聲遠繼河西守遊宦多便嶺外官南海無波閑闕
舸北堂多暇得羞蘭忽聞常棣歌離索應寄寒梅報
好安它日扁舟定歸計仍將犀玉付江湍

次韻曾子淵舍人四月二二日扈從二首

萬人齊仗足聲勻翠輦徐行不動塵夾道謹呼通老
樨從官雜選數徐陳旌旗稍放龍蛇卷旒冕初看日
月新天遣兩師先灑道農夫不復誤占辛農家常以

辛深則受熟令年正月八日尋辛而雨不
出應蕉未出一日初得雷雨變始有望

衣冠雙日欵蓬萊簾脫瓊鉤扇不開清曉連驚三殿
啓翠華遙目九天來是光稍稍侵黃蓋瑞霧霏霏著
禁槐千兩翟車觀禮罷歸時滿載德風迴是日夕外命婦皆會景炎仰瞻三宮肅然雍穆不言而化諸公之家有能言之者

再和

病起江南力未勻強將冠劍拂埃塵木雞自笑真無
用芻狗何勞收已陳行從纓旗風日細側聽廟樂管
絃新誰知四載勤勞後併舉成功祚泣辛
宸心惻惻念汗萊南籟西池閉不開長樂鳴鞘千乘
出顧成薦鬯萬方來從臣暗泣新宮柳父老行依輦

路槐雙闕影斜朱戶啓都人番看屬車回

次韻張昌言給事省中直宿

還家未暇拂塵衣攜被重來趁落暉省戶鳴騶久分
散宮槐栖鵲共翻飛周廬見月風霾靜斜漢橫空星
斗稀多病心身怯清禁故山依約夢西歸

次韻貢父子開直宿

擲簡捶毫氣吐虹興餘庭藥詠殘紅今宵文字知無
幾軒睡簾中笑二公

去年冬轍以起居郎入侍邇英講不逾時遷
中書舍人雖忝冒愈深而瞻望清光與日俱

遠近記當時所見作四絕句呈同省諸公

邇英肅肅曉霜清玉宇時聞稿葉零風過都城吹廣
內萬人笑語落中庭

銅鉞灑遍不勝寒雨點勾圓凍未乾回首曛曛朝日

上槐龍對舞覆衣冠邇英前有雙槐甚高而柯葉拂地狀若龍地講官進對其下

早歲西廂跪直言起迎天步晚臨軒何知老侍曾孫

聖欲泣龍髯吐復吞韓昔辛制策坐於崇政西廊蓋邇英之比也是日晚仁皇自延

和步入崇政過所試握前瞻望天表最為親近

講罷淵然似不勝詩書默已契天心高宗問答終垂
世未信諸儒測淺深

次韻張問給事喜雨

已收蠶麥無多日旋喜山川同一雲禾黍趁時青覆
壠池塘流潤渌先文兩宮尚廢清晨集中禁初消永
夜薰倉粟半空民望足深耕疾耨肯忘君

次韻宋搆朝請歸守彭城

得郡迎親願不違書來無復寄當歸馬馳未覺西南
遠烏哺何辭日夜飛湖水欲平官舍好茶征初復訟
珉稀平反聞道加食飯五袴應須換破衣

次韻劉貢父西掖種竹

竹迷誰定知迷否趁取滂沱好雨初栽向鳳池吹律

處斲從芸閣殺青餘迎風一嘯朝回早弄月相差直
宿踈應怪籍咸林下客相看不飲作除書仲馮方作
左史必與

貢父並
直此

次韻劉貢父省中獨直

簾深巧為隔朝暎竹密時能引雀喧朝罷宿醒還續
夢靜中諸妄稍歸根坐曹聞道仍分省出沐誰當與
並軒竹簟茅簷它日事重因遺詠記君恩

得告家居次韻貢父見寄

君恩賜告許歸來雨後中庭有綠苔起問日高三丈
久卧聞車過九門開泥封連日傳新語腕脫知君有

軼才十八二十二兩
日除目很多待得晴乾追後乘木應塵土熱
如灰

黃幾道郎中同年挽詞二首

温恭天賦此心良惠愛人知政術長井水無波任餅
縵牛刀投隙應宮商分符出遍名城守攜被歸從華
省郎不到汝陰遺恨遙坐令湖水減清光

早歲相從能幾時准陽花發正游嬉鳴弓矍相人如
堵席地滄浪柳作惟十載舊遊真異夢一時佳客尚

存誰造聞葬日車千兩漬酒縣中寄一悲轍昔并幾
道相遇於

陳陳守張聖民相与游從甚密逮今將三十年當時
賓客在者少矣而幾道復化去言之悽惻無已

和王定國寄劉貢父

皮嶺當年惜遠行，過淮今日似前生。
留連秋思江侵海，搖蕩春心花滿城。
欲寄尺書慵把筆，偶聞佳句獨含情。
何時復看清虛會，醉聽箏箏促柱聲。

故濮陽太守贈光祿大夫王君正路詞二首

落落承平佐英英，嗣世風芝蘭託庭戶。
鸞鵠峙椅桐，結客賢豪際傾財。
緩急中悲傷，聞故老淪謝未衰翁。

吳中試良守濮上繼嘉聲平賦權家恨，蠲租盜俗清。

家貧久未葬，身去獨留名。天報多男子，終存好弟兄。

韓幹三馬

老馬側立鬃尾垂，御者高拱持青絲。
心知後馬有爭意，兩耳微起如立錐。
中馬直視翹右足，眼先已動心先馳。
僕夫旋作奔佚想，右手正控黃金羈。
雄姿駿發最後馬，回身奮鬣真權奇。
圍人頓轡屹山立，未聽決驟爭雄雌。
物生先後亦偶爾，有心何者能忘之。
畫師韓幹豈知道，畫馬不獨畫馬皮。
畫出三馬腹中事，似欲譏世人莫知伯時。一見笑不語，告我韓幹非畫師。

書郭熙橫卷

鳳閣鸞臺十二屏，屏上郭熙題姓名。
崩崖斷壑人不

到枯松野葛相欹傾黃散給舍多肉食食罷起愛飛
泉清皆言古人不復見不知北門待詔白髮垂冠纓
袖中短軸纔半寫慘澹百里山川橫巖頭古寺擁雲
木沙尾漁舟浮晚晴遙山可見不知處落霞斷鴈俱
微明十年江海興不淺滿帆風雨通宵行投篙採找
便止宿買魚沽酒相逢迎歸來朝中亦何有包裹觀
闕圍重城日高因睡心有適夢中時作東南征眼前
欲擬要真物拂拭東絹什與汾陽生

題王生畫三蠶蜻蜓二首

飢蠶未得食宛轉不自持食蠶聲如雨但食無復知

老蠶不復食矯首有所思君畫三蠶意還知使者誰

又

蜻蜓飛翩翩向空無所著忽然逢飛蚊驗爾飢火作
一飽困竹梢凝然反冥寞若無飢渴患何貴一簞樂

贈寫真李道士

君不見景靈六殿圖功臣進賢大羽東西陳能令將
相長在世自古獨有曲將軍高高李師棹頭笑自言
弄筆通前身百年遺像誰復識滿朝冠劍多偉人據
鞍一見心有得臨牕相對疑通神十年江海鬢半脫
歸來俛仰慚簪紳一揮七尺倚牆立客來顧我誠似

君金章紫綬本非有綠簔黃菊甘長貧如何畫作白衣老罽之茅屋全吾真

次韻子瞻題郭熙平遠二絕

亂山無盡水無邊田舍漁家共一川行遍江南識天巧臨窻開卷兩茫然

斷雲斜日不勝秋付與騷人滿目愁父老如今亦才思一蓑風雨釣槎頭

次韻錢駟待制秋懷

壯心老自消秋思悲不怨中懷不堪七那用日食萬朝陽淨塗潦白露露草蔓夾衣拽故褚酒債積新券

徂猿便林藪冠帶愁檻圈夢追赤松游食我青精飯
歸心久已爾佳句聊復勤近聞洮東將閒出邊馬健
禪王坐受縛右袂行將獻念此愧無功歸歟適吾願

宿榮陽審氏園

喧卑背城市曠蕩臨溪水車流沂絕壁河潤及桃李
居人有佳思過客得新喜中橋一回顧欲入迷所自

榮陽唐高祖太宗石刻像并叙

榮陽大母院高齋石像二高不數寸而姿製甚妙
唐高祖為鄭州刺史太宗方幼而病甚禱之即愈
因各為一碑刻彌勒佛且記其事至今皆在元祐

二年九月祭告永裕陵過而觀焉作小詩以授院僧

誰言膚寸像勝力妙人天欲療衆生病陰扶濟世賢
身微須覆護眼淨照幾先豈爲成功報猶應歷劫緣

次韻劉貢父從駕

一經空記弟傳兄舊德終慙比長卿扈駕聯翩來接
武登科先後憶題名竹林共集連諸子棣萼相輝賴
友生它日都門俱引去不應廣受獨華榮

次韻劉貢父和韓康公憶其弟持國二首

霜風琴瑟卷梧蕉燕處超然夜寂寥羽客信來丹鼎

具石淙夢斷水聲遙赤松作伴誰當見黃鵠高飛未
易招劍履終身定何益勤勞付與沛山蕭

愛君憂世老彌深特操要須得失臨晚歲飛騰推有
德故鄉安穩信無心小邦近似西山隱元氣終富北
斗斟聖主方求三世舊老臣何止一遺簪

聞京東有道人號賀郎中者唐人也其徒有
識之者作詩寄之

賀老稽山去不還鏡湖獨掉釣魚船南來太白尋無
處却作郎官又幾年岱下迎鸞驚典謁冢山施藥愍
耕田試窮脚力追行迹亦使今生識地仙

送家安國赴成都教授三絕

城西社下老劉君春服舞雩今幾人白髮弟兄驚我

在喜君浮宦亦天倫

微之先生門人惟僕與子瞻
兄復禮與退翁兄皆仕耳

垂白相逢四十年猖狂情味老俱闌論兵頓似前賢

語莫作當年故目看

石室多年款誌平新書久溷里中生遺師今見朝廷

意文律還應似兩京

送歐陽辯

我年十九識君翁鬢髮白盡顴頰紅奇姿雲卷出翠

阜高論河決生清風我時少年豈知道因緣父兄願

承教文章踈略未足云舉止猖狂空自笑公家多士
如牛毛揚眉抵掌氣相高下客浚巡愧知己流枿低
昂隨所遭却來京洛三十載重到公家二君在伯亡
仲逝無由追淚落數行心破碎京城東西正十里兩
落泥深旱塵起衣冠纏繞類春蠶一歲相從知有幾
去年叔爲尚書郎家傳舊業行有望今年季作澶淵
吏米塩騷屑何當起前輩今無一二存後才幸有風
流似黃河西行淤沒屋桑柘如雲麥禾熟年豐事少
似宜君飽讀遺書心亦足

送韓康公歸許州

功成不願居身退有餘勇心安甲間適望益縉紳重
 朝為北闕辭莫犯南河凍人知疎公達土命顯父送
 百壺山泉溢千兩春雷動旋聞二季賢繼以一章控
 詔書未云可廷論已爭竦茲行迫寒食歸及柳先隴
 萬人擁道看一子腰金從爾曹勿驚嗟令德勸勤種
 三日上辛祈穀除日宿齋戶部右曹元日賦
 二絕句寄呈子瞻兄
 七度江南自作年去年年初喜奉椒槃冬來誤入文昌
 省連日齋居未許還
 今歲初辛日正三明朝春氣漸東南還家強作銀幡

會雪底蒿芹欲滿籃

北客南來歲欲除燈山火急萬人扶燈山例以地使見日立欲
 觀翠輦巡游盛深邦南宮鎖鑰拘

次韻王欽臣祕監集英殿井

碧甃涵雲液銅瓶響玉除汲花擗點罷灑霧喚班初
 龍餅煎無數螭研滴有餘從官方醉飽一酌解清虛
 集貧殿考試罷二首

振鷺紛紛未著行初從江海覘清光卷聲風雨中庭
 起筆勢雲煙累幅長病眼尚能分白黑衆毛空復數
 驪黃禁中已許公孫第得失何私物自忙

衰病相侵眼漸昏青燈細字苦勞神遍看大軸知無力聽誦竒篇賴有人前日鼓旗聞苦戰明朝雷雨出潛鱗殿廬困極唯思睡却憶登科似後身

問蔡肇求李公麟畫觀音德雲

好事桓靈寶多才顧長康何嘗爲人畫但可設竒將夕聚要當散能分慰所望清新二大士界我夜燒香

五月一日同子瞻轉對

羸病不堪金束腰未懷江海舊漁樵對床貪聽連霄雨奏事驚同朔旦朝大耿功名元自異中丞服衮舊相要一封同上憐狂直詔許昌言賴有堯

次韻劉貢父題文潞公草書

鷹揚不減少年時墨作龍蛇紙上飛應笑學書心力盡臨池寫遍未裁衣

韓康公挽詩二首

閎闕元高世功名自發身堂堂揖真相矯矯出稠人許國心先定輕財物自親傳經此韋氏世世得良臣

又

耆年時一二新第闕西南好客心終在忘懷日縱談規模人共記風味我猶諸誰是羊曇百回車意不堪

又

師曠聞弦日相如作賦年雖慙衆人後貪值主文賢
北道初聞召南江正遠遷平生闕親近遺恨屬新阡

送王宗望郎中赴河東漕

春初戎馬掠河壖屬國倉皇不解鞍未免驅民餽邊
食旋聞奉使輟郎官年尚髡覺精神勝慮穩要令事
業安持節近看蔥嶺雪擁裘悲慣馬門寒

送高士敦赴成都兵鈐

楊雄老病又思歸家在成都更向西邂逅王孫馳駟
騎丁寧父老問耕犁禪房何處不行樂壁像君家有
舊題德厚不妨三世將時平空自萬夫齊

鴻盧草堂圖

昔爲太室遊盧巖在東麓直上登封壇一夜蟹生足
徑歸不復往巒壑空在目安知有寸志舒卷不盈幅
一處一盧生裘褐蔭喬木方爲世外人行止何須錄
百年入篋笥犬馬同一束嗟子縛世累歸來有茅屋
江千百畝田清泉映脩竹尚將逃姓名豈復上圖軸

秦虢夫人走馬圖二絕

秦虢風流本一家豐枝穠葉映花雙欲分妍醜都無
處夾道遊人空嘆嗟

朱幘玉勒控飛龍笑語喧譁步驟同馳入九重人不

見金鈿翠羽落泥中

韓幹二馬

玉帶胡奴騎且牽銀鬃白鼻兩爭先
入坊龍種知何數乞與岐邠並錦韉

試制舉人呈同舍諸公二首

垣中不減臺端峻池上來從柱下嚴
同直舊曾連月久慙來還喜二公兼
僕項并孫莘老同在西掖直言已垣并彭器資同在
許侵彈奏新告行聞振滯淹顧我龕官何所與西曹
只合論茶塩

早歲同科止六人中年零落半埃塵
却將舊學收新

進幾誤令生是後身駢辭別都遺老驥沉埋秘府愧

潜鱗制科前輩今獨張公友道一憐君尚勝劉蕡任

白首諸侯呼上賓

次韻張去華院中感懷

登朝已老似王陽脫葉何堪霧雨涼
案上細書憎蟻黑禁中新酒愛鵝黃
臨堦野菊偏能瘦倚檻青松解許長
仕宦不由天祿閣坐曹終日漫皇皇
黷項自績溪除校書

即未至京除右司諫竟不入館故以為恨

送周思道朝議歸守漢州三絕

早緣民事失茶官解印重來十二年
美惡一周還自

復始知東里解言天

梓漢東南甲乙州同時父子兩諸侯王孺時出守梓州它年

我作西歸計兄弟還能得此不

酒壓郾筒憶舊酤花傳丘老出新圖崇州宮酒蜀中推第一趙昌畫

花樽做亦西川所無也此行真勝成都尹直為房公百頃湖

樂城集卷第十五



程